

**#1. ЗӨВЛӨМЖ**

Засаг даргын нөөц хөрөнгийг зориулалтын дагуу үр ашигтай зарцуулах, тэвчиж болох зардлыг аль болох бууруулах шаардлагатай байна. “Засаг Даргын нөөц хөрөнгийг зориулалт, зарцуулалтын нийтлэг журам”-ын 2.1.3 дах хэсэгт заасан “Засаг дарга хуулиар олгогдсон бүрэн эрхээ хэрэгжүүлэхтэй холбоотой цаг үеийн шинжтэй зарим арга хэмжээг санхүүжүүлэх” гэсэн заалтыг үүсээд байгаа зөрчил, газар дээрх нөхцөл байдалтай нь уялдуулан илүү тодорхой болгож нарийвчилсан зохицуулалтай болгох шаардлагатай байна.

ЗӨВЛӨМЖ

Засаг даргын нөөц хөрөнгөд Аймгийн Иргэдийн Төлөөлөгчдийн хурлын 2017.12.04-ны 30 дугаар тогтоолоор 388,259,800 төгрөгийн төсөв баталсан. Үүнээс одоогийн байдлаар 367,916,80 төгрөг зарцуулсан. Үлдэгдэл нь 20,343,000 төгрөг байна.

Нийт зарцуулсан төсвийн 69,723,200 төгрөг нь Сангийн сайдын 2012 оны 239 дүгээр тушаалаар батлагдсан Засаг даргын нөөц хөрөнгийн зориулалт, зарцуулалтын нийтлэг журмын 2.1.1, 2.1.2 дэх хэсэгт заасан Засаг даргын нөөц хөрөнгийн зориулалтад нийцэж байна. Мөн 25.6 хувь нь буюу 42,993,900 төгрөгийг дээрх журмын 2.1.3 дахь хэсэгт заасан арга хэмжээнд зарцуулагдсан байна гэж үзэж болохоор байна. Нийт төсвийн 43,2 буюу 112,717,100 нь журамд нийцэж, бусад 148,380,021 төгрөг буюу 56,8 хувь нь зориулалтын бусаар зарцуулагдсан байна.

Сангийн сайдын 2012 оны Засаг даргын нөөц хөрөнгийн зориулалт, зарцуулалтын нийтлэг журмын 2.3 дугаар зүйлд “энэ журмын 2.1.1, 2.1.2 дахь хэсэгт заасан хохирлыг арилгахтай холбогдсон арга хэмжээг санхүүжүүлэхэд зориулж нийт батлагдсан хөрөнгийн 30-аас доошгүй хувийг Засаг даргын нөөцөд байлгана” гэснийг хэрэгжүүлж ажиллаагүй буюу 2018 оны нөөц хөрөнгийн 91.9 хувийг зарцуулсан байна.



#2. ЗӨВЛӨМЖ

Орон нутгийн хөгжлийн сангаас Төсвийн тухай хуулийн 60.3.6 дахь заалтын дагуу буюу ИТХ-аар баталсан Орон нутгийн хөгжлийн сангаар хэрэгжүүлэх ажил, арга хэмжээний төлөвлөгөөнд тусгаадаагүй, иргэдээс санал авч эрэмблэгдээгүй ажилд зарцуулахгүй байх.

Шатрын спортын их мастер Мөнгөнтуулд 2,0 сая төгрөгийг тэмцээнд оролцох замын зардалд өгсөн нь Төсвийн тухай хууль болон “Орон нутгийн хөгжлийн сангийн үйл ажиллагааны журам”-ын 4.2.4-д “аливаа аж ахуйн нэгж, байгууллага, иргэнд олгох буцалтгүй тусламж, дэмжлэг, тэтгэмж, урамшуулалд зарцуулахыг хориглоно” гэснийг зөрчсөн.

Аймгийн Прокурорын газрын барилгын засварын ажил болон тавлига эд хогшилд нийт 15 сая төгрөг зарцуулсан байгаа нь Төсвийн тухай хуулийн 60.3.6-д “орон нутгийн иргэдийн саналыг аваагүй, орон нутгийн төсвийн төлөвлөгөөнд тусгаж батлаагүй зардал, арга хэмжээ”-нд орон нутгийн хөгжлийн санг зарцуулахыг хориглоно гэснийг, “Орон нутгийн хөгжлийн сангин журам”-ын 4.2.5-д Тусгай зориулалтын шилжүүлгийн байгууллагаас бусад улсын төсвийн байгууллагын хөрөнгийн зардалд зарцуулахыг хориглоон гэснийг тус тус зөрчсөн байна.

2018 оны Орон нутгийн хөгжлийн сангаас хэрэгжүүлэх ажил, арга хэмжээний төлөвлөгөө нь нийт батлагдсан төсвийн 38,7 хувь буюу 640,5 сая хөрөнгө оруулалтын ажил бусад 1 тэрбум 11 сая төгрөг нь аймгийн эдийн засаг, нийгмийг хөгжүүлэх үндсэн чиглэлд тусгасан хөтөлбөр, арга хэмжээнд зарцуулагдахаар батлагдсан байна. Батлагдсан төсвийн хүрээнд 165 саяас 5 сая хүртэл зардлаар 6 удаагийн чуулга уулзалт зохион байгуулсан байгааг анхаарах шаардлагатай. Мөн төлөвлөгөөг батлахдаа урьдчилсан төлөвлөгөөг боловсруулж 2017 оны жилийн эцэст 86 багийн 8000 иргэнээс санал авч эрэмбэлсэн байна. Гэхдээ иргэдийн нэмж санал өгсөн 24 ажлыг тусгаагүй байна.



Зээлийн эргэн төлөлт огт хийгдээгүй зөрчилтэй сумдын тоо их байна. Жишээ нь 3-5 жил өнгөрсөн ч одоог хүртэл зээлээ төлөөгүй нөхцөл байдал тогтоогдсон. Зээлээ төлөөгүй болон хугацаа хэтэрсэн тохиолдолд 0,25 – 0,5 хувийн алданги тооцох журамтай байтал огт алданги тооцоогүй зөрчил их байна. Сумын Засаг даргын тамгын газрын албан тушаалтнууд болон өөрийн хамаарал бүхий хүмүүсд их хэмжээний зээл олгодог үйлдэл мөн адил их. Сум хөгжүүлэх сангийн сонгон шалгаруулах зөвлөл, хяналтын зөвлөлийн гишүүдийн тоо харьцангуй бага, бүх багийн иргэдийн төлөөллийг оролцуулагүй зэрэг үйлдэл их байсан.

Сангаас зээл авсан хүмүүсийг авсан зээлээ зориулалтын дагуу ашиглаж байгаа, үйлдвэр үйлчилгээний ажил нь явагдаж байгаа эсэх дээр нэг ч хяналт шалгалтын үйл ажиллагаа хийгдээгүй, хяналтын зөвлөл хуралдаж, шийдвэрлэсэн ажил огт байхгүй. Сум хөгжүүлэх сангийн хөрөнгийг зориулалтын бусаар зарцуулж байгаа нөхцөл байдал их байсан. Үүнд: Хяналтын зөвлөлийн гишүүдийг урамшуулсан, тохижилтын хүрээнд хашаа барьсан, хүүхдийн сургалтын төлбөр гэх зэргээг гаргасан үйлдэл тогтоогдсон.

Хугацаа хэтэрсэн болон эргэн төлөлт хийгдээгүй хүмүүсийг Шүүхийн шийдвэр гүйцэтгэх байгууллага руу шилжүүлээгүй, шүүхдээгүй одоог хүртэл ямар нэгэн арга хэмжээ аваагүй үйлдлүүд их байсан. Цаашид авсан зээлийг зориулалтын дагуу ашиглаж байгаа эсэх дээр хяналт шалгалтын ажлыг тогтмол хийдэг, дэвшилттэй байгаа төсөл дээр дэмжлэг үзүүлдэг, сонгон шалгаруулалтын болон хяналтын зөвлөлийн гишүүдийн тоог нэмэгдүүлэх, бүх сум байгууллагын төлөөллийг оролцуулах, хараат бус байлгах чиглэл дээр анхаарч ажиллах, сангийн хөрөнгийг үр өгөөжтэй зарцуулах, хүртээмжтэй байлгах чиглэлээр идэвхитэй ажил явуулах шаардлагатай гэж үзэж байна.

#3. ЗӨВЛӨМЖ

Сум хөгжүүлэх сангийн хөрөнгийг сумдад жижиг, дунд үйлдвэр шинээр байгуулах буюу үйл ажиллагааг нь өргөтгөх, шинэчлэхэд санхүүгийн дэмжлэг үзүүлж, хөнгөлөлттэй зээл олгоход зориулах ёстой ч сургуульд явуулахаар сангийн хөрөнгөөс мөнгө гаргасан зөрчил тогтоогдсоныг анхаарч ажиллах



Идэр сумын худалдан авах ажиллагаанд гэрээ байгуулахдаа бараа нийлүүлэгч талын үүргийг тусгаж өгөөгүй, алданги тооцох заалтыг тусгаагүй аж ахуйн нэгжид давуу байдал олгох төрийн байгууллагад хохирол учруулж болохуйц гэрээг байгуулсан байна. Тендерийн жишиг баримт бичгийн дагуу гэрээний төслийг боловсруулж ажиллах шаардлагатай.

Мөн тус суманд тендерийг фейсбүүк цахим хуудсаар зарласан нь оролцогчдын тэгш эрхийг хангаагүй тул төсөвт өртгөөс шалтгаалж үнийн санал авах урилга хүргүүлэх, өдөр тутмын сонин хэвлэлд зарлал өгөх зэргээр хуулийн дагуу ил тод нээлттэй явуулах шаардлагатай.

#4. ЗӨВЛӨМЖ

Худалдан авах ажиллагаанд холбогдох хууль тогтоомжийг бүрэн хэрэгжүүлж ажиллах



#5. ЗӨВЛӨМЖ

Авлигатай тэмцэх газрын даргын 2018 оны 11 дүгээр сарын 14-ний өдрийн А/123 дугаар тушаалаар баталсан “Албан тушаалтан өөрт ногдуулсан сахилгын шийтгэлийн талаарх мэдээллийг холбогдох этгээд болон нийтэд өөрийн зардлаар хүргэх арга хэмжээний журам”-ыг хэрэгжүүлэх, журмын 4.1-д заасан хугацаанд холбогдох мэдээллийг ирүүлж хэвших.

Захиргааны ерөнхий хуулийн шаардлагад нийцүүлэн “Албан тушаалтан өөрт ногдуулсан сахилгын шийтгэлийн талаарх мэдээллийг холбогдох этгээд болон нийтэд өөрийн зардлаар хүргэх арга хэмжээний журам”-ыг шинэчлэн боловсруулж, Авлигатай тэмцэх газрын даргын 2018 оны 11 дүгээр сарын 14-ний өдрийн А/123 дугаар тушаалаар баталсан бөгөөд уг журам нь захиргааны хэм хэмжээний актын улсын нэгдсэн санд 2018 оны 11 дүгээр сарын 17-ны өдрийн 4036 дугаартай бүртгэгдсэн (журмыг <https://www.legalinfo.mn/law/details/13778?lawid=13778> -ээс татаж үзэх).

Журмын 4.1-т “Албан тушаалтанд сахилгын шийтгэл ногдуулсан талаарх мэдээллийг холбогдох этгээдэд хүргэсэн болон нийтэд мэдээлсэн өдрөөс хойш ажлын 5 өдрийн дотор журмын 2.1, 3.1-т заасан мэдээллийг тухайн албан тушаалтанд сахилгын шийтгэл ногдуулсан шийдвэр (хуулбар)-ын хамт эсхүл холбогдох мэдээллийг цахим хэлбэрээр Авлигатай тэмцэх газарт ирүүлнэ.” гэж заасан.



#6. ЗӨВЛӨМЖ

Нийтийн албанд томилогдохоор нэр дэвшсэн этгээдийн хувийн ашиг сонирхлын урьдчилсан мэдүүлгийг хянуулахгүйгээр томилох, эсхүл томилсны дараа хянуулдаг зөрчлийг таслан зогсоох талаар орон нутгийн хэмжээнд зохион байгуулалтын арга хэмжээ авч ажиллах.

2017 онд ажилласан 3 дугаар багаас **Нийтийн албанд томилогдохоор нэр дэвшсэн этгээдийн хувийн ашиг сонирхлын урьдчилсан мэдүүлгийг хянуулахгүй томилдог, томилсны дараа хянуулдаг зөрчлийг таслан зогсоох** зөвлөмжийг хүргүүлсэн байх боловч Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хуулийн 23 дугаар зүйлийн 23.5, 23.6 дахь хэсэгт заасныг зөрчиж нэр дэвшигчийн ХАСУМ-ийг хянуулалгүй томилох, томилсны дараа хянуулдаг зөрчил аймгийн зарим байгууллага, сумдад дээрх зөрчил гарсаар байна.

Тухайлбал, Завхан аймгийн зарим байгууллага 2017, 2018 онд 16 этгээдийг тухайн албан тушаалд томилсны дараа хянуулсан, нийтийн албанд томилогдохоор нэр дэвшсэн 10 этгээдийн ХАСУМ-ийг хянуулаагүй томилсон байна (Хавсралт 1, 2). Нэр дэвшигчийн ХАСУМ-ийг хянуулалгүйгээр албан тушаалд томилсон тохиолдолд тухайн иргэн Авлигатай тэмцэх газрын цахим бүртгэлийн системд нэвтэрч албан тушаалд томилогдсноос хойш 30 хоногийн дотор ХАСХОМ гаргах боломжгүй тул түүнээс үүдэн гарах үр дагаврыг анхаарч ажиллах шаардлагатай.



#7. ЗӨВЛӨМЖ

Авлигын эсрэг хуулийн 10 дугаар зүйлийн 10.3 дахь хэсэг, Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хуулийн 23 дугаар зүйлийн 23.3-т заасны дагуу мэдүүлэг гаргагч албан тушаалтан хувийн ашиг сонирхлын болон хөрөнгө, орлогын мэдүүлгээ тухайн албан тушаалд сонгогдсон буюу томилогдсон өдрөөс хойш 30 хоногийн дотор, цаашид тухайн албан тушаалыг хашиж байгаа хугацаандаа жил бүрийн 02 дугаар сарын 15-ны дотор шинэчлэн гаргах үүрэгтэй. Уг үүргээ биелүүлээгүй албан тушаалтанд мөн хуулийн 29 дүгээр зүйлийн 29.2.1-д зааснаар “хувийн ашиг сонирхлын мэдүүлгийг энэ хуулийн 23.3-т заасан хугацаанаас хожимдуулж гаргасан нь хүндэтгэн үзэх шалтгаантай бол сануулах”, мөн хуулийн 29 дүгээр зүйлийн 29.2.2-т зааснаар “...хувийн ашиг сонирхлын мэдүүлгийг энэ хуулийн 23.3-т заасан хугацаанаас удаа дараа хожимдуулж гаргасан бол албан тушаалын цалингийн хэмжээг гурван сар хүртэл хугацаагаар 30 хувиар бууруулах”, Авлигын эсрэг хуулийн 13 дугаар зүйлийн 13.8.1-д зааснаар “...заасан хугацаанаас хожимдуулсан нь хүндэтгэн үзэх шалтгаантай бол сануулах” шийтгэлийг тус тус ногдуулах зохицуулалтыг мөрдөж ажиллах шаардлагатай.

Тус аймгийн хэмжээд 2017 онд 9 албан тушаалтан томилогдсоноос хойш 30 хоногийн дотор ХАСХОМ гаргаагүй хугацаа хоцроож мэдүүлсэн, 1 албан тушаалтан мэдүүлгээ хуулийн хугацаанд гаргаагүй, 2018 онод 11 албан тушаалтан тухайн албан тушаалд томилогдсоноос хойш 30 хоногийн дотор ХАСХОМ гаргаагүй хугацаа хоцроож мэдүүлсэн, 3 албан тушаалтан мэдүүлгээ хуулийн хугацаанд гаргаагүй зөрчилтэй байна. (Хавсралт 3).

Нийтийн албан тушаалд томилогдсоноос хойш хуульд заасан хугацаанд Хувийн ашиг сонирхол, хөрөнгө, орлогын мэдүүлэг(ХАСХОМ) гаргаж хэвшүүлэх, хугацаандаа гаргаагүй албан тушаалтанд хариуцлага тооцож байх, түүнд тавих хяналтыг сайжруулах.

**#8. ЗӨВЛӨМЖ**

Иргэнийг хуульд заасан болзол, журмын дагуу төрийн албанд орох адил тэгш боломжоор хангах, төрийн жинхэнэ албан тушаалын сул орон тоог нөхөхдөө хууль тогтоомжийн дагуу мэргэшлийн шалгалт өгөөгүй, төрийн албаны нөөцөд бүртгээгдээгүй иргэнийг томилдог зөрчлийг таслан зогсоож, давтан гаргахаас урьдчилан сэргийлэх, шинээр болон дэвшүүлэн томилохдоо мерит зарчмыг удирдлага болгон ажиллах.

Төрийн жинхэнэ албан тушаалын сул орон тоог нөхөхдөө хууль тогтоомжийн дагуу төрийн жинхэнэ албан тушаалд анх орох иргэний мэргэшлийн шалгалт, удирдах албан тушаалтны сонгон шалгаруулалтгүйгээр шууд томилсон нь Төрийн албаны тухай хуулийн 35 дугаар зүйлийн 35.1.6 /хуучнаар/ 43 дугаар зүйл /шинэ хууль/ болон Улсын Их Хурлын 2003 оны 05 дугаар сарын 08-ны өдрийн 13 дугаар тогтоолоор баталсан “Төрийн жинхэнэ албаны удирдах албан тушаалд томилогдох ажилтныг сонгон шалгаруулах журам”-ыг тус тус зөрчсөн байна.

Тухайлбал, төрийн жинхэнэ албан тушаалын сул орон тоог нөхөж шинээр болон сэлгэн томилсон байдлыг хянан үзэхэд төрийн жинхэнэ албаны мэргэшлийн шалгалт болон удирдах албан тушаалтны сонгон шалгаруулалт, Төрийн албаны салбар зөвлөлийн дүгнэлтгүйгээр 2017-2018 онд нийт 13 албан тушаалтан томилогдсон байна (Хавсралт 4).



Говь-Алтай аймгийн хэмжээнд 2017-2018 онд 9 хүн шүүхийн шийдвэрийн дагуу эргэн томилогдон нөхөн олговорт нийт **32.148.924** төгрөгийн тэтгэмж олгохоор шүүхээс шийдвэрлэсэн байна. (Хавсралт 5).

Ажлаас үндэслэлгүй халагдсан, чөлөөлөгдсөн этгээдийг шүүхийн шийдвэрийн дагуу ажилд нь эгүүлэн томилж, ажилгүй байх хугацааны цалин хөлс, нийгмийн даатгалын шимтгэл зэргийг захиргааны байгууллагаас нөхөн төлж төсвийг үр дүнгүй зарцуулж, хохирол учруулж байгаа учраас хууль бус шийдвэр гаргасан буруутай албан тушаалтнаар хохирлыг буцааж төлүүлж барагдуулах талаар арга хэмжээг зохион байгуулах шаардлагатай байна.

Захиргааны ерөнхий хуулийн 103 дугаар зүйлийн 103.1-т “иргэн, хуулийн этгээдийн хохирлыг барагдуулсны улмаас өөрт учирсан хохирлыг захиргааны байгууллага гэм буруутай албан тушаалтнаар буцаан төлүүлнэ. Хохирлыг гэм буруутай албан тушаалтнаар төлүүлэх үүргийг тухайн захиргааны байгууллагын дээд шатны байгууллагын дотоод аудитын нэгж хариуцна”, мөн Иргэний хуулийн 498 дугаар зүйлийн 498.5-д “...гэм хорыг арилгасан байгууллага өөрт учирсан хохирлыг тухайн гэм буруутай этгээдээс шаардаж гаргуулах эрхтэй” гэсэн заалтын хэрэгжилтийг хангуулах талаар удирдлага, зохион байгуулалтын арга хэмжээ авч ажиллах нь зүйтэй байна.

#9. ЗӨВЛӨМЖ

Төрийн албан хаагчдыг зөвхөн хуульд заасан үндэслэлээр ажлаас чөлөөлөх, үндэслэлгүйгээр ажлаас чөлөөлсний улмаас төсвийн хөрөнгийг үр ашиггүй зарцуулж байгаа зөрчлийг давтан гаргахаас урьдчилан сэргийлэх, хууль бус шийдвэр гаргасан тохиолдолд учруулсан хохирлыг буруутай албан тушаалтнаар нөхөн төлүүлэх асуудлыг Иргэний хууль, Захиргааны ерөнхий хуулийн дагуу шийдвэрлэх.



Тус аймагт “Очир Илч” ОНӨҮГ, “Амь Ус трейд” ОНӨҮГ, “Хүмүүний амьдрах ухаан төв” ОНӨҮГ гэсэн 3 орон нутгийн өмчит үйлдвэрийн газар үйл ажиллагаа явуулж байна.

“Очир Илч” ОНӨҮГ өөрт олгогдсон эд хөрөнгийн үндсэн дээр өөрийгөө санхүүжүүлэх зарчмаар санхүүждэг. 2017 оны жилийн эцсийн санхүүгийн тайланд түрээсийн орлого 162.608.963 төг, бусад орлого 181.118 төг нийт 162.790.963 төг-ийн борлуулалтын орлоготой, 179.055.978 төг-ийн зардал гаргаж орлогоосоо давсан зардал гаргасан байна.

“Амь Ус трейд” ОНӨҮГ өөрт олгогдсон эд хөрөнгийн үндсэн дээр өөрийгөө санхүүжүүлэх зарчмаар санхүүждэг. 2017 оны жилийн эцсийн санхүүгийн тайланд борлуулалтын орлого 638.738.287 төг, 622.038.761 төг-ийн зардал гаргаж цэвэр ашиг 16.699.526 төг-ийн орлоготой байна.

“Хүмүүний амьдрах ухаан төв” ОНӨҮГ орон нутгийн төсвөөс олгогдсон хөрөнгө оруулалт болон үйл ажиллагааны орлогоор санхүүжих тухай дүрэмд заасан. 2017 онд 47.010.900 төг, 2018 онд 42.581.620 төг-н санхүүжилтыг орон нутгийн төсвөөс авсан байна. Түрээсийн орлого 2.850.000 төг. 2017 оны жилийн эцсийн санхүүгийн тайланд борлуулалтын орлого 49.860.900 төг, 80.144.800 төг-ийн зардал гаргасан. цалин, татвар, НДШ-ийн өглөг 30.283.900 төг-н өр төлбөртэй буюу орлогоосоо давсан зардалтай.

Дээрх 3 хуулийн этгээд ТУЗ-ийн гишүүнээр улс төрийн албан тушаалтан буюу ИТХ-ын төлөөлөгчийг томилон ажиллуулж байгаа нь Төрийн болон орон нутгийн өмчийн тухай хуулийн 21-р зүйлийн 5 дахь хэсэгт “Төрийн өмчит болон төрийн өмчийн оролцоотой хуулийн этгээдийн ТУЗ-ийн бүрэлдэхүүнд төрийн захиргааны албан хаагч” байх гэж заасан шаардлагыг зөрчсөн.

Төрийн болон орон нутгийн өмчийн тухай хуулийн 77 дугаар зүйлд заасан ИТХ-ын бүрэн эрхэд хамаарах “орон нутгийн өмчийн эд хөрөнгийн хадгалалт, хамгаалалтын байдлыг хянан шалгах буюу түүнд тавих хяналт шалгалтыг зохион байгуулах”, “иргэдийн Төлөөлөгчдийн Хурлын Тэргүүлэгчид, Засаг даргаас орон нутгийн өмчийн хөрөнгийг эзэмших, ашиглах, захиран зарцуулах эрхээ хэрэгжүүлэх талаар зохиосон ажил, үр ашгийн тайлан, нэгдсэн тооллогын дүнг жил бүр хэлэлцэж, дүгнэлт, чиглэл өгөх” чиг үүрэг хангалтгүй. Үйл ажиллагааны үр дүн жилийн эцсийн тайлан ИТХ-д тайлагнасан, хэлэлцсэн баримт материал байхгүй байсан.

Үйл ажиллагааны үр дүнг дүгнэсэн гэх баримт нь зөвхөн ТУЗ-өөс гүйцэтгэх захиралтай байгуулсан Хөлсөөр ажиллах гэрээг дүгнэсэн, эсвэл аймгийн Орон нутгийн өмчийн газраас Эд хөрөнгийн ашиглалтын гэрээг дүгнэсэн материалууд байна.

“Хүмүүний амьдрах ухаан төв” ОНӨҮГ нь үйл ажиллагааны зардлаа олох орлого байхгүй, цалин, татвар, НДШ-ийн өглөг 30.283.900 төг-н өр төлбөртэй байна. Аймгийн ахмадын холбоо ТББ-д орон нутгийн төсвөөс жилд олгодог 76,6 сая төгрөгийн санхүүжилтээс байр ашиглалттай холбоотой тогтмол зардал болох 39,2 сая төг-н зардлыг шилжүүлэн авч үйл ажиллагаа явуулж байна. Иймд энэхүү байгууллагын үр ашигтай, санхүүжилтийн үр дүнг тооцсон зохицуулалтыг өмчлөгч байгууллагаас боловсруулах зүйтэй.

ИТХ, Засаг даргаас эдгээр ОНӨҮГ-удын үйл ажиллагааны үр дүн, эдийн засгийн үр ашгийг хэлэлцэж хяналт шинжилгээ үнэлгээ хийхгүй байгаа нь төрийн өмчийг үнэгүйдүүлэх, төсвийн хөрөнгийн үр ашиггүй зардлыг нэмэгдүүлэх, орон нутгийн төсөвт дарамт учруулах нөхцөл байдлыг үүсгэж болзошгүй. Ажлын үр дүн, тайланд дотоод хяналт-шинжилгээ үнэлгээ хийх, санхүүгийн хувьд алдагдалтай ажиллаж байгаа шалтгаан нөхцлийг тодорхойлж, ИТХ-аар хэлэлцэх шаардлагатай.

#10. ЗӨВЛӨМЖ

Орон нутгийн өмчит хуулийн этгээдийг байгуулахдаа хэрэгцээ, шаардлага, эдийн засгийн үр ашгийг сайтар тооцох, үр ашиггүй ажиллаж, орон нутгийн төсвөөс татаас авч буй хуулийн этгээдийн үйл ажиллагаанд дүгнэлт хийж, холбогдох арга хэмжээг авах.